

Radunonza generala dalla pleiv catolica-romana

Breil/Brigels

Datum	Sonda, ils 30 d'avrel 2022
Temps	20.00 – 21.30
Liug	Casa da scola, Dardin
Presenza Perstgisas	41 parochianas e parochians Sur Sajan, Jorge Santos, René e Flurina Cavegn-Tomaschett e Ermano e Simona Tuor-Derungs
Presidi	Sep Cathomas, president
Protocol	Marcellino Flury, actuar
Tractandas	<ol style="list-style-type: none">1. Beinvegni ed elecziun da dus dumbravuschs2. Approbaziun dils protocols dallas radunonzas generalas dils 19 da zercladur e 28 da november 20213. Rapport annual 2021 dil president4. Rapport dalla presidenta dil Cussegl pastoral5. Presentaziun dil quen annual 2021, rapport da revisiun ed approbaziun6. Presentaziun ed approbaziun dil preventiv 20227. Fixaziun dil pei taglia 20238. Elecziun substitutiva per dus commembers da suprastanza9. Informaziun concernent objects e funs dalla pleiv10. Informaziuns da nies plevon sur Sajan11. Varia

1. Beinvegni ed elecziun da dus dumbravuschs

President Sep Cathomas fa a tuttas parochianas e tuts parochians in cordial beinvegni a nossa radunonza generala. Il liug dalla radunonza va en roda en nossas quater pleivs. Ord motivs da maldispostadad sto nies plevon, sur Sajan, schar perstgisar per questa sera.

Sep fa la proposta d'eleger mo in dumbravuschs e propona Adelrich Berther. El vegn elegius unanimamein.

2. Approbaziun dils protocols dallas radunonzas generalas dils 19 da zercladur e 28 da november 2021

Ils protocols ei vegni mess sin nossa pagina d'internet ed aschia prelegia igl actuar mo aunc las decisiuns ord quels.

Els vegnan silsunter approvai unanimamein.

3. Rapport annual 2021 dil president

Er'il rapport annual dil president ei vegnius publicaus sin nossa pagina d'internet. Aschia resumescha Sep quel cun far diversas cuortas explicaziuns. El menziunescha la fiasta d'installaziun da nies plevon, sur Sajan, dils 14 da november 2021 cun la cooperaziun dils chors baselgia e las societads da musica da Breil, Danis/Tavanasa ed Andiast. La

surdada dil uffeci ei succedida en preschientscha dil vicari general niev, Jürg Stucker, e da plirs plevons da nossa regiun.

La pandemia da Corona ha era duront il 2021 fatg pitir la convivenza en nossa pleiv, aschia ei l'integraziun dalla pleiv Andiastrida ida vinavon, mo quei cun pintgas midadas enviers igl onn precedent.

En cavazins aunc enqual caussa impurtonta:

Las extradadas ord la baselgia catolica ein carschidas egl onn current. Cun 16 personas carschidas e dus affons survarga la media dils davos onns. In fatg che dat da patergar.

La fusiun dallas quater pleivs ha possibilitau la coordinaziun dalla pastoraziun ed administraziun.

La suprastanza ei seradunada per siat sedutas e ha deliberau biaras fatschentas tenor meglier saver e puder. El engrazia als consuprastonts per il bien spert che regia e per tut agid e sustegn.

El menziunescha las biaras personas engaschadas ed involvidas en nossa pleiv sin basa voluntaria e senza indemnizaziun. Nus essan visai vi sin quei engaschi. Sep engrazia a tuttas e tuts per quei grond survetsch.

Menziun meretan era nos trapassai. El supplichescha per in cuort mument da silenzi per els.

La pleiv dispona da terren che stat a disposiziun en dretg da baghegiar. El decuors dil 2021 ein treis parcelas el quartier Ruast a Breil vegnidas surdadas a famiglias giuvnas. Dallas otg parcelas ein aschia aunc treis libras.

Il funs a Breil-Vitg ein da niev affitai pils onns 2022 – 2027 ed ei vegn mirau da coordinar ils contracts els vischinadis da nossa pleiv, aschia che la scadentscha ei il medem mument. Quei simplifichescha era la survigilanza e l'administraziun.

Las preparativas per la restauraziun dalla caplutta sogn Sievi ein en pleina lavur ed aschi spert che las corrispudentas lubientschas ein avon maun duei il project vegnir exequius.

Il di da Numnasontga ha nossa cuminonza saviu inaugurar il niev e bi santeri da Breil, renovaus e finanziaus entras la vischnaunca politica. Il medem di ei era igl anteriur zenn grond da Breil "il Gioder" vegnius beneventaus en siu liug oriund d'acziun. Quei suenter in'absenza naven da 1963, nua ch'el ei staus el museum cantunal a Cuera.

Alla fin da siu rapport engrazia il president a sur Sajan ed a tut las personas engaschadas el survetsch per nossa pleiv.

4. Rapport dalla presidenta dil Cussegl pastoral

La presidenta dil Cussegl pastoral, Andrea Cathomas-Friberg, declara ch'il rapport ei medemamein vegnius publicaus sin nossa pagina d'internet ed aschia desista ella da preleger quel. Ella menziunescha aunc il pelegrinadi 2023, previus cun ina viseta da Fatima el Portugal. Il commember Jorge vegn ad organisar quei pelegrinadi en sia patria.

5. Presentaziun dil quen annual 2021, rapport da revisiun ed approbaziun

Nies responsabel per las finanzas, Michel Brunner, metta avon il quen annual 2021. Tier entradas da 529'362.15 frs. ed expensas da 529'079.46 siarra il quen cun in gudogn da 282.69 frs.

El menziunescha divers detagls ord il quen.

Taglia da cultus; quell'entrada svariescha per pauc enviers igl onn vargau. Michel declara che la reducziun dil pei da taglia dalla vischnaunca sin 2022 per 10% ha negin'influenza per nosa pleiv, demai che la taglia vegn quintada da 100% dalla taglia cantunala.

Dretgs da baghegiar Breil; Pli ault recav, demai che vegn daniev vitier il quartier Ruast.

Paga post pastoral; quella posiziun croda naven, demai ch'ei dat buc pli quei post.

Paga secretariat; quella posiziun ei pli aulta pervia digl alzament dil pensum sin 30%.

Instrucziun religiosa-extern; quella posiziun croda sin fundament che tuts scolars van uss a scola en nosa vischnaunca e negin pli a Rueun.

Contribuziun musica Breil/Dardin; tochen uss 1'000.00 frs. per onn pervia da duas pleivs. Ei sto vegnir sclariu sche quella summa sa vegnir reducida sin la summa dallas autras musicas, demai ch'ei sunan buca pli a caschun dallas fiastas da baselgia a Dardin.

MR baselgia Breil; las pli aultas expensas derivan dalla cumpra dil "Beamer" niev, montaus en baselgia.

MR baselgia Dardin; la reparatura dil tuchiez e la schubergiada dalla baselgia entras la firma Robert Cathomas han alzau ils cuosts.

MR baselgia Danis-Tavanasa; pli bassas expensas ord il motiv che la montascha dalla cazzola avon baselgia ei succedida gia igl onn 2020 e cuntenida el quen vegl.

MR baselgia Andiastr; la reparatura dil tetg ha custau ca. 10'000.00 frs.

MR s. Giacun e s. Martin Breil; pli aults cuosts pervia dalla montada da novas siarras electronicas.

Literatura e gasettas; Cheu ei cunteniu in pagament à conto da 4'000.00 frs. per il niev canziunari.

Contribuziuns e donaziuns; Project Viva Flurin, 2'000.00 frs., project sur Sajan ca. 500.00 frs. e bunamana sur Sajan per sias vacanzas ell'India.

Deducziuns; casas pervendas Breil, 15'000.00 frs., Danis-Tavanasa, 15'000.00 frs. ed Andiastr, 10'000.00 frs. – capluttas s. Sievi Breil, 6'999.00 frs. e s. Antoni, 4'000.00 frs.

Activas - Dabiens renovaziun baselgia; 100'000.00 frs. havein gia retschert il schaner 2022 dalla vischnaunca. La contribuziun dil Corpus Catholicum da 200'000.00 frs e quella dalla tgira da monumnets da 88'750.00 mauncan aunc, mo duessan vegnir el proxim temps.

Passivas - Fondo pervenda; La gronda differenza seresulta ord la vendita dalla parcella el dretg da baghegiar a Mirada a René e Flurina Cavegn-Tomaschett.

Il revisur Maurus Vincenz raporta ch'il quen ei vegnius revedius e che tut ei en uorden. Tut las quittanzas e mussaments ein avon maun ed il quen beinmenaus. Ella engrazia a Michel ed al rest dalla suprastanza per la fetg buna e gronda lavur prestada.

Ils presents approbeschan unanimamein il quen annual 2020 ed il rapport da revisiun.

6. Presentaziun ed approbaziun dil preventiv 2022

Er'il preventiv vegn mess avon da Michel. Cheu dat ei buc grondas midads enviers il davos onn.

Niev ha il Cussegl pastoral in preventiv da 4'500.00 frs. Aschia san tuttas expensas da quei gremi vegnir cudischadas el medem liug.

Pagas pastoraziun/secretariat; pli aultas expensas ord il motiv che nus havein alzau la classa da paga a sur Sajan e che nossa secretaria ei engaschada da niev igl entir onn cun 30% el stagl da 20%.

Cun quei preventiv quintein nus cun ina sperdita da 7'000.00 frs.

Il presents approbeschan unanimamein il preventiv per 2022 sco presentau.

7. Fixaziun dil pei da taglia 2023

Il pei da taglia per 2023 duei restar sco tochen ussa sin 15%.

Era quei vegn confirmau unanimamein.

8. Elecziun substitutiva per dus commembers da suprastonza

President Sep menziunescha che nies consuprastont Clau Giusep Monn seigi buca staus fetg activs duront ils 3 onns vargai. Dallas 23 sedutas eis el separticipaus soli 10 gadas. Sin nos divers scrivers concernent ils motivs da quei agir, respectiv la damonda schebein el giavischa da vegnir discargaus digl uffeci, havein retschiert negina risposta. En quella situaziun setschenta la damonda da refuser siu mandat en suprastonza.

Sin fundament da quei scларiment fa Adelrich Berther la proposta da schar votar giu sur da quei fatg ed aschia haver il consentiment dalla radunonza generala sur digl agir en caussa.

Il presents datan il consentiment en ina votaziun unanima.

Demai che la lavur en suprastonza ha era funcziunau aschia ed igl ei buc reussiu d'anflar ina persuna per quei post, propona la suprastonza da desister d'in remplazzament, quei ch'ei tenor statuts da nossa pleiv pusseivel.

Nies actuar Marcellino ha avon in onn schau reeleger mo pli per in onn. Aschia cala el sunter endisch onns en suprastonza. Sep menziunescha ch'el ha en quei temps scret buca meins che 150 protocols, quei che dess in gries cudisch. El retscheiva in pign schenghetg ed in matg fluras e vegn relaschus cun in grond applaus sco segn d'engraziament.

Sco successura vegn Patricia Derungs-Carigiet da Dardin proponida dalla suprastonza.

Ella vegn elegida unanimamein e cun grond applaus.

9. Informaziun concernent objects e funs dalla pleiv

Il responsabel, Andreas, declara che president Sep hagi informau detagliadamein sur dil curriu e passau pertuccont objects e funs da nossa pleiv ed aschia vul el sespruar de buca repeter aunc inagada tut.

A Breil ei vegniu montau vid las portas dallas capluttas a sogn Giacun e sogn Martin siarras novas cun batteria electrica. Aschia vegnan las capluttas serradas sur notg automaticamein e discarga ils responsabels.

Las lavurs da manteniment vid la caplutta da sogn Sievi a Breil han stuii vegnir stuschadas sin igl onn 2023. A caschun dalla davosa radunonza da pleiv dils 16 da zercladur 2021 ei vegniu decidu in credit da 140'000.00 frs. per quella sanaziun.

La davosa sanaziun cumpleina ei succedida ils onns 1974-76. Ussa era previu la gronda part dallas expensas per la sanaziun externa dallas fatschadas e singulas lavurs da

manteniment vid il tetg da slondas. Dasperas vegn egl intern aunc restaurau singuls donns vid maletgs, preits ed altar.

El dentertemps ein las lavurs preparatoricas savanzadas e da vart dil cantun e dalla baselgia catolica ein contibuziuns en la summa da ca 77'000.00 frs. vengidas concedidas.

Da vart dall'assicuranza da baghetgs vegn da niev pretendiu in indrez tillacametg e la cuvrida dil plantschiu sura cun plattas da protecziun da fiug. Quei munta la montascha da lingias da fildirom sin la tuor e sur il spitg e la surfatscha dil tetg.

Quell'investiziun ha fatg setschentar la damonda dil remplazzament cumplet dil tetg da slondas ch'ei gleiti 50 onns vegls. Il tetger specialisau ha fatg ina controlla detagliada e quella ha mussau ch'il tetg stuess vegnir remplazzaus els proxims 5-10 onns. Aschia ha la suprastanza decidu il remplazzament cumplet el rom dalla sanaziun actuala.

Quell'adattaziun dil project pretenda ina nova damonda per contribuziuns allas instanzas che han gia concediu las contribuziuns.

Tenor informaziun dil tetger drova la preparaziun da quei quantum slondas in onn temps. Aschia sto l'entira sanzaziun vegnir stuschada sin la stad 2023.

A caschun dalla radunonza generala da pleiv 2023 vegn ei a dar ina tractanda per la decisiun per in credit suplementar per l'entira sanaziun.

El rapporta aunc sur da pliras lavurs ch'ei vengidas exequidas durant igl onn ora en las quater pleivs ed en special la renovaziun da lla caplutta da sogn Sievi che stat avon nus.

10. Informaziuns da nies plevon sur Sajan

Demai che sur Sajan ha schau perstgisar croda quella tractanda per uonn.

11. Varia

Sep engrazia a tuts officials e gidonters che han abdicau. El vegn a far quei aunc a scret cun in rapport el proxim fegl parochial cantunal.

Il president dalla Donaziun Brigel, Michi Friberg, ha, suenter 11 onns sco president ed avon aunc siat onns lavur preparatorica, abdicau. En in plaid d'engraziament dils dus commembers Veronica Cathomen-Casanova e Marcellino Flury vegn fatg menziun dil grond engaschi sur tut quels onns. Las contractivas all'entschatta ein da lez temps schizun vengidas fatgas en franzos.

Sco segn d'engraziament per tut il prestau surdatan els in schenghetg ensemen cun duas butteglas vin.

En connex cun la Donaziun Brigel vegn surdau sporadicamien il premi Brigel ad uniuns ni persunas che han prestau extraordinari en favur dil beinstar dalla cuminonza da pleiv e vitg. Igl onn 2021 eis ei stau aschi lunsch ch'ei sa vegnir dau per l'emprema ga quei premi ad ina persuna singula.

La nova presidenta, Daniela Seiler-Albin, dat sco empren in per informaziuns pertuccont la Donaziun Brigel. Silsuenter sa ella comunicar ch'il premi va ad ina persuna ch'ei s'engaschada durant ils davos 50 onns per il generalessen, seigi quei per diversas uniuns culturalas sco era sportivas, per la politica e per la pleiv. Igl ei quei il president actual da nossa pleiv, Sep Cathomas.

En sia laudation fa ella menziun dils fetg biars engaschis da Sep en nossa cuminonza ni era sur ils cunfins ora. Alla fin engrazia ella en num dalla Donaziun, mo era en num da tuts che vivan e lavuran en pleiv e vischnaunca. Il premi duei exprimer la stema e l'engrazieivladad per tutta lavur prestada.

Daniela menziunescha aunc che la scursanaziun SC savess era star per “super capo”, “semplamein classa” ni “senza cumparegl”.

Ella surdat a Sep il document dil premi Brigel ed in schec simbolic per la valeta dil premi en l’altezia da 1’000.00 frs.

Norbert Deplazes damonda suenter la tgira dalla fossa comunabla. Sep declara che quei vegn exequiu dalla vischnaunca politica.

President Sep engrazia a tuttas parochianas e tuts parochians per la presenza alla radunonza generala da questa sera. Uonn ei puspei lubiu da far in apéro ed aschia envida el tuts presents da star auc in mument en cumpignia e dar ina paterlada, quei che ha muncau fetg ils davos dus onns.

Breil, 3 da zercladur 2022

Igl actuar

Marcellino Flury